

## R.K.M L.P School Pomsohmen Sohra



### RKM LP SCHOOL, POMSOHMEN

Ha ka por ba ki Maharaj kila don ha R.K.M Ashrama Sohra, kila iöhi jngai bad ki kwah ban sam bad iarap lem ia ka jingstad sha kiba duk ba rangli ha ka thain Sohra. Kumta kila jied ia ka shnong Pomsohmen bad shna ka skul ryngkat ka jingiatiplang ki rangbah shnong, ki la ibit ban shna ia ka skul ha kane ka shnong namar ba ka long ja jaka pdeng ha kaba na kylleng ki thain ki jaka ki lah ban wan skul ha kane ka shnong.

Katkum ka jingioh lum jinngtip na ki katto katne ki 'riew tymmen, la tip ba ia ka skul R.K.M L/P Pomsohmen la sdang ha ka snem 1950 bad ia ka jaka ban shna ia ka skul la ai sngewbha da I (L) Dr. H.C.S Wahlang ha ryngkat ka dorbar shnong. La shna bad sop da tin kumba ka long mynta, la don artylli ki kamra rit bad kawei kaba heh. I nonghikai bad ba nygkong eh ba hikai ha kane la skul I dei I (L) Belliso Lyngskor na ka shnong Laityra, bad ki khyannah ha kata ka por ki don tang kumba ar ne lain gut bad ka don tang ka klass 'A'. ha kata ka por la ai ei lut nadong sha dong baroh ym donkam ban siew tang

khyndiat ruh. Katba nang iaaid ki snem ki khyannah ruh ki la nangbun bad katba nang mih nangiaaid ki snem ki klass ruh ki la nang kiew haduh class V. Hadien ka jingwan I Maharaj Secretary ba mynta, I la phah ban buh tang haduh klass III. Kiba kwah ban bteng ia ka Klass IV ki lah ban shim admission sha R.K.M Ashrama Sohra.

Ki kyrteing jongi ki Head teacher kiba la shimti ha kane ka skul naduh ba sdng haduh kine ki por ki long I Kong (L) Belliso Lyngskor, I (L) Misita Lyngdora Nongtraw, I Kong Hebiliancy Khongwet bad I Kong Aidahun Khongwet.

La plie khnang ia kane ka skul ka jingthmu ka long ban iarap ia kiba duk, ki bym ioh lad ban leit skul, ba kin ioh jingnang jingstad kum kiwei ki para khyannah kiba iohlad ban leit skul. Ki khyannah kib amih na kane ka skul ki long kiba stad, don kiba la ioh kam bad ioh ruh ia ki kyrdan bapher bapher kum ki engineer, Headmistress, ki nonghikai, ki nurse, ki nongtrei office, kiba trei kam lajong bad kiwei kiwei.

Ka jingwan I Maharaj Secretary ba mynta I Swami Anuragananda la nang pynbha iaka skul bad la dep ban leh ia ka fencing jong ka compound skul bad ki toilet kiba bha. Mynta la sdang ruh ban tei ia ka building jong ka skul R.K.M Pomsahmen. Bad mynta u snem la lah ban plie ia ka Klass IV.

Ka jingdon jong ki khyannah ha kane ka skul naduh u snem 1989 – 2024 ki long:

Ki shynrang – 1, 359 ngut

Ki kynthei – 1, 270 ngut

